



UNIVERSITÄTS-
BIBLIOTHEK
PADERBORN

Universitätsbibliothek Paderborn

Prophetia Apocalyptic S. Joannis Apostoli

Kircher, Heinrich

Coloniæ Agrippinæ, 1676

§. III. De Coactione ad Imaginem adorandam.

urn:nbn:de:hbz:466:1-39100

alius sit quispiam ab Antichristo diversus qui hoc nomen gerat, sed ut ibidem additur idem ipse **QUI FECIT SIGNA**, qui est Antichristus ex 2. Thess. 2. v. 9, Ita, ut idem sit Pseudopropheta quod Pseudo-Messias: sicut Christo idem fuit & Prophetam dici magnum, & Messiam, & Deum. Im-

pleturus illud Apostoli I.c.v.4. qui ad-versatur & extollitur super omne quod dicitur **DEUS aut quod coluntur**, ita ut in Templo quod à prima origine sua fuerat **Dei sedeat, ostendens se tanquam filius Deus**. qui ecce est grandis Spiritus & prædicatio Imaginis Bestialis loquentis.

§. III.

De Coactione ad Imaginem adorandam.

i. Inter hæc Sede fixâ Hierosolymis, atque Imperii titulo illuc translato, everti patietur Constantiopolim & cæteras Regias Sedes, ut solus obtineat. Jamque duabus præcedentibus machinis, Potestati Bestiæ prioris, & Imagini loquenti (de quibus in duobus §§. præcedentibus) admovebit ultimum Colophonem, tertiam præpotentem Machinam, quæ est Persecutio refractoriorum & Coactio vi omni armorum & tormentorum, de qua pergit Apocalypsis v. 16. & 17.

**Coget
persecu-
tione:**

**Genera-
li:**

Sævâ:

Ea erit primò tam generalis, ut se extendat ad OMNES æquè PUSILLOS ET MAGNOS, DIVITES ET PAUPERES, LIBEROS ET SERVOS: id est, omnis conditionis homines. Erit secundò tam sæva, ut cogat accipere singulos CHARACTEREM IN DEXTERA MANU SUA, AUT IN FRONTIBUS SUIS: qui character erit abnegatio Crucis: ut *locus non sù* (inquit S. Ephrem & alii) signo Christianorum quod format dexterâ & apprimitur

fronti, compellentur Cruci renuntiare per professionem, quæ est *nota criminis in fronte*, ait S. Aug. (lib. 20. de Civ. cap.9.) & per operationem qui est character in manu. Adeò severè, NE **QUIS POSSIT EMERE AUT VENDERЕ**, nec commercio uti hujus vita, NISI **QUI HABET CHARACTEREM, AUT NOMEN BESTIÆ, AUT NUMERUM NOMINIS EJUS**: id est: nisi hunc afferat characterem quo abdicet crucem Christi; aut *nomen edat & confessionem Pseudo - Messiae*; aut relatus fuerit in *numerum & in matriculam nominis ejus*. Erit tertio facilis ei hæc **Expedi-
Persecutio per Judæos** orbis jam dominos insolentissimos: de quibus S. Hieronymus in Dñ. II. nullus enim *Judaorum absque Antichristo in toto unquam orbe regnavit*. Quorum animi per tot sæcula efferati suam iram & odium effundent in totum populum Christianum sub quo fuere dispersi, oppressi, & spreti. jam cùm se videant exaltatos per suum Messiam; freti **eius**

Cujus
Typus
Antio-
chus E-
pipha-
nes :

ejus potentia, simul & sanctitate ac signis; ut divinitus promissi, pertinacissime expectatae tandem dati.

2. Non est omissus hujus Coactionis & Imperii Antichristiani Typus celeber, qui præcessit in Antiocho Epiphane, illo persecutore apud Daniellum & in libris Machab: quorum lib. 1. cap. 1. sanciebatur, (v. 52.) quicunque non fecissent secundum verbum Regis Antiochi morerentur. & v. sequente secundum omnia verba hæc scripsit omni Regno suo, & preposuit Principes populo qui hæc fieri cogerent. Similiter atque in hoc loco Apocalypseos v. 15. UT, QUICUNQUE NON ADORAVERINT IMAGINEM BESTIÆ, OCCIDANTUR. &c.

Aperte S. Hieronymus, detoto eo quod Daniel prophetat cap. 11. inde à versu 21. usque ad finem Capitis, ex interpretatione non suâ tantum sed & ante se interpretum Christianorum: typum eum, inquit, volunt esse Antichristi; & qua in illo ex parte præcesserint, in Antichristo ex toto esse complenda. Illumque addit esse morem Scripturae sanctæ. & E. C. adducto psalmo 71. qui inscribitur Salomonis & impletur deinde in Christo; subjungit: *Sicut igitur Salvator habet & Salomonem & ceteros Sanctos in Typum adventus sui: sic & Antichristus pessimum Regem Antiochum, qui Sanctos persecutus est, Tempumque violavit, recte Typum sui habuisse credendus est.* Brevius ante Hieronymum S. Cyprianus lib. de exhort. Mart. cap. 11. In Antiocho Antichristus expressus.

3. Quin & Imaginis adoratio, de Pars II.

qua diximus §. præcedente, id est Judentismi regnantis: & sessio Antichristi Et Ses-
sio in Templo consentiunt cum inter se, onis in
tum cum eodem Typo, abominatione templo:
illâ quam Antiochus posuit in Templo Hierosolymitano; *Jovis Olympijsi-
mulachrum*, ait S. Hieronymus, & An-
tiochi statuas (ex lib. 1. Mach. cap. 1. v.
57. & 2. Mach. 6. v. 2.) quas nunc abo-
minationem desolationis vocat: qua uni-
versa in Typo Antichristi (Scriptores)
Nostræ præcessisse contendunt; qui sessurus
est in Templo Dei & se facturus ue-
Deum. Est enim Antichristus abo-
minatio, si minus ea de qua Dan. 9. v.
26. & 27. quam citavit Christus Matth.
24. v. 15. atea de qua Dan. 11. v. 31. quæ
est de Antiocho: & ea de qua Dan. 12.
v. 11. ubi non tam de Antiocho quam
de Antichristo prophetatur, & quidem
historico ipso in sensu: prout testatur
S. Hieronymus quæst. 4. ad Algasiam:
*quando abominatione desolationis steterit in
loco sancto: quod quidem iuxta literam de
adventu Antichristi prædicati nulli du-
biuum est.* Immo S. Hilarius (cujus scri-
pta mitificè laudat S. Hieronymus) et-
iam illam abominationem desolationis
stantem in loco sancto, de qua Chri-
stus Matth. l. c. interpretatur ex mente
Christi esse Antichristum: &, explicans
singula ex illis tribus quæ illuc dicuntur,
sic scribit (canone 25. in Matth.) *De
Antichristi enim temporibus ista locutus
est. Abomination ex eo dictus; quod ad-
versus Deum veniens honorem sibi Dei
vindicit: Desolationis autem abomina-
tio; quia bellis & crudelibus terram cum
piaculo desolaturus sit: Atque ob id à Ju-
daïs susceptus loco sanctificationis insister;*

F

ut

et ubi Sanctorum precibus Deus invocatur, illuc ab infidelibus receptus Dei honore venerabilis sit.

Quod autem diximus de Sessione in Templo DEI : de qua S. Augustinus lib. 20. de Civ. cap. 19. Nulli dubium est, cum (Apostolum 2. Thess. 2.) de Antichristo ista dixisse : communior est sententia SS. Patrum, fore ut sedeat in Templo Hierosolymitano. ita S. Irenæus lib. 5. cap. 25. de Apostolo : quoniam Hierosolymis Templum per dispositionem veri DEI factum est, Templum illud dixit DEI. S. Cyrillus Hier. cat. 15. ut ipse in Templo DEI sedeat : quale autem Templum dicit ? In Templo quod reliquum est Iudeorum. si enim tranquam Christus ad Iudeos veniet, aquilae sane adorari volet, ut illos maximè decipiat : Studioffissimum se esse ostendet illius Templi, ut ipse de progenie David esse videatur, qui Templum à Salomone olim exstructum ipse fit redicaturus. S. Ambrosius in Luc. 21. abominatio enim, ait, desolationis, execrabilis adventus Antichristi est sedens juxta historiam in Templo. S. Damascenus lib. 4. de fid. cap. 27. ita ut in Templo DEI sedeat, demonstrans seipsum quod sit Deus; in Templo quidem DEI, non nostro, sed veteri Iudaico: non enim nobis, sed Iudeis veniet.

Utrique existimatione Messiae apud illos acquisitâ sumpsit sibi instaurandam splendidissimè & citissimè Hierosolymam cum Templo; collaborantibus non solis Iudeis sed & Diabolis: tradiditque Iudeis incolendam: quando ipso sedente in Templo DEI complebitur unanimi adoratione illud

Christi quod prædictit Joan. 5. v. 43. si alius venerit in nomine suo (non legitime missus) illum accipietis : alium, inquit S. Irenæus (lib. 5. cap. 25.) dicens *Antichristum.*

Ibi tunc & Potestas imperandi, & Imago simulata, & Persecutionis coactio, hæ omnes machinæ simul operabuntur totis 42. mensibus.

Quo tempore resistent duo Testes, Adverte quibus in prima Parte Apoc. cap. 11. sanctibus qui & Potestatem suam divinam operantur Potestati : & veram DEI Letibus: gem Imagini confictæ: & tolerantiam atque exhortationem Persecutioni: eā denique mutatione dexteræ Excelsi & eventu; quem post imposturam & Quibus ærumnas trium annorum & dimidii reservatradunt ex Prophetis & Apostolo SS. tur redi, Patres omnes de reliqua gente Iudeo- etio Ju- rum. S. Hieron. in psal. 20. per Eliam dæoru. & Enoch creditur sunt in finem. Et S. Aug. lib. 20. de Civ. cap. 28. S. Greg. l. 11. mor. cap. 9. Elia veniente promittitur ut reducat corda filiorum ad Patres eorum (Malach. 4. v. 6.) quando hoc intelligere de Domino cœperint filii quod prædicaverunt patres. & hom. 12. in Ezech. in fine mundi Iudei ad fidem redeuent.

Cætera de Antichristi exercitu: & genere prælii; partim prædicatione & seductione animarum, partim persecutione corporum: ejusdemque clade & interfectione locus erit tractandi Apoc. 19. ubi dicemus, quod Christiani non se illi opponent prælio materiali; sed præparatione ad Martyrium: nec istud Enoch & Elias agent ut fiat; sed erunt prælii spiritualis Duces.

Hacte-

Hactenus in hoc Capite Historia prophetica de Bestia posteriore: & narratio plena de utraque Bestia. Sequitur Index in tempora hujus prophetiae; Versus 18.

TRACTATUS XXI.

IN CAPITIS XIII. Versum postremum.

Postquam de utraque dixit Bestia, indicat unde possit dignoscitur tempus quando haec incipient.

VERBA APOCALYPSEOS.

(Cap. 13. Vers. 18.) *Hic sapientia est. Qui habet intellectum, comprehendet numerum bestiae. Numerus enim hominis est, & numerus ejus, sexcenti sexaginta sex.*

§. I.

De illis verbis: Hic sapientia est.

Sapientia est: Primò scire utriusnam Bestiæ numerus afferatur è duabus. Secundò, quo consilio is numerus reveletur. Tertiò, cur hujus potius Bestiæ quam alterius.

Numerus est prioris Bestiæ:
1. **E** Tenim duplex Bestia descripta est in hoc Capite: & admirabilis est Apocalypsis, qua relinquere videtur Lectorem suspensum in medio, utrius Bestiæ sit numerus de quo agit: ejusne quæ est prior & cuius faciet posterior potestatem, an verò ipsius posterioris. Sed qui revolverit diligenter hoc Caput Apocalypseos, & ponderaverit ea quæ dicuntur de admiratione illius quæ est BESTIA PRIMA, & ejus CUJUS CURATA

EST PLAGA MORTIS, & QUÆ HABET PLAGAM GLADII ET VIXIT, quodque in illius CONPECTU (utpotè alterius) facturus sit aliis SIGNA, & quod illius sit futura IMAGO & simulatio quæ loquatur, & cui ab altera Bestia imperetur cultus seu adoratio: is ex verbis Joannis illud arbitrabitur, sine ulla dubitatione describi numerum primæ Bestiæ.

2. Et hoc eo consilio pernecessario: Fuit is
F 2 ut

